

پازار ایرتسی - فی ۹ رجب شرف سنہ ۳۲۷ و فی ۱۳ تموز سنہ ۳۲۵

جمعیت علمیہ اسلامیہ ناک افکاریدر

صاحب امتیاز :	سر محرر :	مدیر مسئول :
فاتح مجبڑ درساملرندن	فاتح مجبڑ درساملرندن	مشیت مکتوبی قلمی خلفاسندن معمارزادہ :
شہری احمد رامز	مصطفی صبری	محمد علی

مندرجات :

اہم امور ابن الامین : محمود کمال	سکود مکتوبی
سیاست شرعیہ ابن حازم : فرید	ادبیات
سمی و اہتمام ابن الامین : احمد توفیق	انتقادات مصطفی صبری
تاریخ اسلام صحائفندن طاهر المولوی	

نسخہ سی ۱ غروشد

آبونہ اجرتی (پوستہ اجرتیہ برار)

استانبول و ولایات انچون :	ممالک اجنبیہ انچون :
برسنہ لک ۶۰ غروش	۱۲۰۶۰ فرانق
الحی آلی ۳۰ »	۶۰۳۰ »

درج ایلمبان اوراق دہ اولغاز

قارئین مزہ :

اکثر مقالانہ ایات کریمہ و احادیث نبویہ درج ایدلمش بولندینی نظر اعتبارد آلہرق رعایتسز لکده بولنداماسی
رجا اولور . *

درسعادت
احمد ساقی بک مطبعہ سی

آلام گذشته ، تخطر ایدلکجه ... ظامک ظلمتی ،
عداک نور حیات بخشاسی تقدیر اوله برق عموم افراد
عنائیه نك اداره مشروطه مشروعه نی — معاً ماده —
محافظه وقف حیات ایده جباری محققدر .

فقط ظامک شامتی ، عداک سعادتی جهل ایله ،
سوء اخلاق ایله تقدیر اوله میه جفندن (تربیه عرومه)
— مله مهمه سنك تعمیم و تأمیننه عموماً بدل مساعی
ایدلسی اهم امور ، اعظم سروردر .

عئانایلر اینچون هم مرتبه عید اکبر اولان (۱۰
تموز) روز بهجت انکیزینه حرمة یازدیغم شومقـاله
نجیزانه ختام و برمزدن اول — بارگاه ارحم الرحیمه
دست کشای تضرع اوله برق — وطن و ماتک سعادت
و سلامتنه وقف نفس ایدلرک دارینده کامران ، اعدای
وطنکده ابدیاً پریشان اولسنی تئی ایدرم .

لحرره الفقیر

کورهدی ملت عنائیه

بو یله برروز سعادت افروز

هرکسه کلدی حیات تازه

عید اکبر صایایر (۱۰ تموز)

ابن الامین محمود کمال

سیاست شرعیه

۲۶

فراش — اتسای — فراش قوی — فراش متوسط —
فراش ضعیف و تعریفلری — ولدز ناك نسبی والده سنه ملحق
اولدینی — ولد زنالك نسب ابدن اخراجنه حکم لاحق اولغله
احکام نسب ابدن تمامیه مرتفع اولیه چی — رد اولاد مسئله
سندک مدت — برار ککک استلحاقی — برقادینک استلحاقی
— ایکی شخصک استلحاق ادعای — اوچ شخصک استلحاق
ادعای — ایکی قادینک استلحاق ادعای — برار ککک ایله ایکی
قادینک استلحاق ادعای .

بعض آلاش پرست کیمسه ملر واردرکه مناصب
عالیه دن برینسه نائل اولغله طینتلرنده مرکوز ردائت
اخلاقلری مقتضای اوله برق اگر بدرلری اصنافدن
مثلاً بابوشچی ویا کسب بدیه تیش ایدر کوچک سرمایه
داراندن ویا فقیر اولوب شونک بونک خدمتده مستخدم
ایسه او آدمک اولادی اولدیفنی کندیلری انکار ایدرلر .
حتی بدرلرینه ارائه روی التفات شویله طورسون برنیم
نظر عطفی بیله کندیلرینه شین عد ایدرلر . و دانما
کندیلرینی بیوک برشجره عالمک اعضاسندن بولدیغنی
سویلمک کبی اختیار کدنی نه نه افتخار اولق اوزره
تلقی ایلرلر . بوندر هپ تربیه ابتدائیه نك فقدانندن ،
سویه فکریه لرینک حسن معالی ایله مشحون بولمیدیفندن
نشأت ایدیور . بو اخلاقسزانی دین مبین اسلام شدتله
منع ایتشدیر . جناب رسالتعاب افندمن « من ادعی الی
غیر اییه وهو یلم أنه غیر اییه فالجانه علیه حرام » بیو-
ره برق بوقیل تربیه سزلی نعمت ایدهدن محروم بیور-
بیور . بن بوقیل برقاچ کنجی بیلور، که حارینه ناسف
ایتمک قابل دکلدر .

کوریلور که رد نسب کیفیتی بعضاًده بویله اولادلر
طرفندن اولیور ! بکن مقاله مده عرض ایلدیکم اوزره
اثبات نسب خصوصاًده فراش نظر اعتباره آلمشدر .
فراشی فقههای عظام حضراتی اوچ قسمه تقسیم
ایدیور .

برنجیمی : فراش قوی ایکنجیمی فراش متوسط
اوچنجیمی فراش ضعیفدر .

فراش قوی : بلادعوا نسب ثابت اولان منکوحه نك
فراشیدر که بونده نفی نسب کینجی آنجق لغان ایله اولور .
فراش متوسط : ام ولدک فراشیدر که بونده ثبوت
نسب ادعاسز اولدینی کبی نفیده لعانمزدر .
فراش ضعیف : جاربک فراشیدر که ثبوت نسب
آنجق ادعا ایله اولور .

بناءً علیه بر کیمسه «بوچو جق بندن دکدر و لدزادر» دیه زوجہ سندن متولد بر چو جق نفی ایتدیکي تقدیرده اصول شرعیہ دائرہ سنده معاملہ لعان اجرا اولنہرق حاکم بینلرینی تقریبی ایلہ حکم ایلر . تقریقہ حکم حاکم لاحق اولدقجه بینلریده نکاح باقی اولغله طلاق، توارث کچی احکام جریان ایدر . [خلافاً لفر] و بوتقریق حرمت مؤبدہ اولوب طلاق باین اولدینندن | خلافاً لابن یوسف] مؤخرأ زوج نفسی یعنی ادعائی تکذیب ایدر سه بالکثر اقترأ جرمندن دولای حد قذف اجرا اولنہرق تکرار زوجہ سی آلهیلور . مع مافہ مساالمہ شرعیہ اجرا سیله زوج ایلہ زوجہ بیانی تقریق اولدقدن صکره چوجنک نسبی والدہ سنہ الحاق اولنور، چونکه ولدزننک نسبی والدہ سنہ ملحقدر . اگر زوجک اسناد

زنا ایلہ فی ولد ادعائی زجه تصدیق ایدر سه لعان لزوم قالیوب بالکثر نفی نسبده کندیلری تصدیق ایدلز . زیرا نسب چوجنک حقدیر . والدہ ایسه هیچ بروقت حقوق ولدی اسقاطه مالک دکدر، بوصورته نسب ولد والدہ سندن ثابت اولور . و حاکم قادینه «نسب ولدله سنی الزام ایتدم نسب ایدن اخراج ایتدم» دیر فقط هر نه قدر چوجنک نسبی پدردن آتی اخراج اولنغله احکام نسب بیدتون کیمز . بالکثر چوجق باباسندن میراث ونفقہ آلهماز . دیگر احکام تمامیلہ باقیدر . مثلاً یکدیگری اینه شهادتی جائز اولماز . مثلاً زوجک قیزی تزویج ایده مز . خلاصه احکام سائرہ باقیدر .

دول سائرده دخی موجود اولان شورد اولاد مسئلہ سی اہمیتہ منی بر مدت معینہ طرفندہ اولمی لزومی دوشونلش و یونک ایچون اسپانیا قانونندہ «قبل النکاح ۱۸۰ کون مقدم فیسخ نکاحدن صکره ۳۰۰ کون صکره متولد اطفال حقندہ اجرا اولنور . روسیہده قبل الازدواج ۱۸۰ فیسخ نکاحدن صکره ۳۰۶ کون طرفندہ متولد ایسه ادعای مجوئیه صلاحیت واردر » بزم سیاست

شرعیہ مزده زنا اسنادی صورتیلہ اولان خصوصاً سادہ رد اولاد ایچون امام اعظم حضر ترنجیه بر مدت بیسان اولنہرق مسئلہ رأی امامہ تقویض اولنیش ایسده فقیہ ابوالایت تاریخ تولدن اعتبارأ اوچ و امام حسنہ کوره ولادت ایلہ عقیقه بیانی اولان بدی کون ظرفندہ اولهجنی و امام ابی یوسف زوج حین ولادتده موجود ایسه مدت نفاس ایچنده ردایده ییلور دیشلردر .

اما زوج غائب ایسه بوصورته بنہ امامنه کوره کلدیکندن ابتداء مدت نفاس (۱) قدر بر زمان ایچنده رد اولنور .

نسب تبصیر قبول ایتمه چکندن توأم اولهرق تولد ایدن چوجقلردن برینی رد ایدوب دیگرینی قبول اوله میهجنی بز شرقلیلرک کتب فقهیه سنده مصرحدر .

ایشته بوصورتلره رد اولنن اولاد تکرار استیحا ق اوله ییلور .

استیحا ق ، بر کیمسه بو چوجق بندندر دیه آنک الحاقی طب و ادعا ایتسیدر . بناءً علیه بر کیمسه « بو چوجق بنذر » دیه اقرار ایدوبده اوچوجنک بر نسب معروفی اولماز و چوجقده مقرک اقرارینی تصدیق ایدر سه نسبی آدن ثابت اولور . چونکه مقر اقرار یله کنندی نفسی الزام ایدوب بشقه سنه تحمیل نسب ایتمه مشدر . اما ظاهر حال اقرار واقعی مکذب ایسه نسب ثابت اولماز و تصدیقده کفایت ایتمز .

بر قادین « بو چوجق بنذر » دیسه باقیلور . اگر زوجی بولنور و یاخود قادین مطلقه اولوبده عدت ایچده اولور سه زوجنک تصدیقده اقراران لازمدر . زوجی یوقسه مجرد بواقاراری قبول اولهرق نسبی کنندیسندن ثابت اولور . چونکه زوجی اولدینی تقدیرده چوجنک مقارنت غیر مشروعه محصولی اولهجنی طبعی اولوب ولدزنانک نسبی ایسه یوقاریده عرض اولدینی اوزره والدہ سنه ملحقدر .


(۱) مدت نفاسک اقلی ایچون برحد اولوب اکثری قرق کوندر .

و اسعد و بر مسئله‌ی اولیه تعمیق ایدر که بز استلصاق
بمختی بوقدر مفصل حقوق خصوصیه دول درس‌نژده
کورم‌دک . چونکه یالکیز غرب حقوقنه تمایل او قو -
دیغیز آتارک حزینه شرفدن مبتساعد اولدیغی
کوستریورودی . آنک ایچون آرزو ایدیوروزکه حقوق
معلمی شرق‌ایله غربی مزج ایتلی . یوقسه یالکیز غرب
حقوقی ایله مقایسه قوانین درسی اوله‌ماز .

خلاصه استحقاق حنده معارض بولمازسه جوجوق
استحقاق ایده‌نکدر . فقط استحقاقده قیافت و مشابهت
مسئله‌سی نظر اعتباره آله‌جتمعی آله‌جتمعی ؟
« مابعدی وار »

کوتاهیبه سنجانی مدعی عمومی معاوفی

ابن حازم : فرید



سمی و اهتمام

زمان مقدرینک حولونه‌قدر — تاخ‌وشیرین — دوش
تخلیده بر قرار اولان حییات مطلقاً سمی و اقدامی
مستلزمدر .

ایسترمعقول و یا غیر معقول اولسون ، ایسترمهر
و یا نامفید بولنسون — حیات و صحت دوام ایتدکجه —
نتیجه اعتباریله آرزوق سمی به دلالت ایلین بر حرکت
ابر ازندن خالی قالمق ممکن دکدر . فطرت بشریه اولیه
عظالت و رخاوت مطاقیه مساعد و متحمل اوله‌ماز .

معیشتجه قیود احتیاج‌آدن و ارسته بولانلرک ،
بارتقیل مضایقه‌دن آزاده اولانلرک ذوق و سفاقت‌المرنجه
تحملنه بالااختیار مجبور اولدولری متاعبده سمی نامنه
فطرت بشریه‌ده مندیج سائقه طبعیه‌ده متولددر .

علمده هیچ بر ایش ایله مقید بولنماق بد بختلغنده
اولانلر بیه دقت اولنورسه آکلاشیلیرکه — کندیلیرنی

شوقدرکه قادینک زوجی اولوبده اقرارنی تصدیق
ایتمز و فطنچوجنک ولادتی شهادت قابله‌ایله ثابت اولورسه
نسب یننه ثابت اولور زیرا ولادت کبی رجالک اطلاعی
متعسر اولان مواضعده بر قابله‌نک شهادتی معتبردر .

بر جوجوق حقیقه ایکی شخص ادعای نسبده بولنور
وهر ایکینسیده اثبات مدعا ایدرلرسه هر ایکینسینکده
اولای اولور . شوقدرکه جوجوق وفات ایده‌جک اولورسه
ابوان آنجیق میراث واحد آلورلرکه اوده سددسدر .
فقط اوایکی شخصدن بری مقدم‌وفات ایدوبده جوجوق
مؤخرأ وفات ایدرسه بر حیات اولان شخص سددسک
نصفنی دکلی تام سدس حصه‌بی آلور .

بر جوجونک نسبده اوچ شخص استحقاق ادعا‌سندده
بولنورسه نسب ثابت اولماز . (عند ابی یوسف) بعض
علمای حنوفه کوره ثابت اولور . (عند محمد) امارچ
شخصدن زیاده اولورسه ثابت اولماز . امام اعظم بشه قدر
ثبوت نسبده یعنی استحقاقده ادعایی تجویز بیوریور .
اگر ایکی قادین بر جوجوق حقیقه استحقاق ادعا‌سندده
بولنورلرسه هر ایکینسینک نسبی ثابت اولور . امامین
حضراتی بونی تجویز بیسورمیورلر و مقام استدلالده
دیورلرکه ایکی قادینک تولیدی مستحیلدر .

ا کر بر ارکک ایله ایکی قادین استحقاق ادعا‌سندده
بولنورلرسه امام اعظم حضرتلرنجه ینلرنده ثبوت نسبیه
قضا اولنور . امامین حضراتی ایسه ثبوت نسب ارککجه
عائد اولدیغی بیانه استدلال سابقه‌لرینه مبنی قادینلرک
استحقاقی قبول ایتیورلر .

بر یکیمسه بر طفل نوزاد ایچون « بن‌بونک والده -
سیاه مقارنت غیرمشروعده بولندم جوجوق اومقارنک
محمولدر . » دیه ادعا ایتسه بوباده استلصاق ادعایی
ادعایی مردود اولوب اصیقه‌نک نسبی آناسندن ثابت
اولور .

ای محترم قارئلم ! ایشته شرق حقوقی بوقسدر